



15. maj 2013

UKA 2013/57

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Innuttaasut amerliartortut imigassartorpallaarnerup kinguneranik qaratsaminnut ajoquteqalersimasut inuiaqatigiinnit ikiorneqarnerunissaannut nassuiaatitalerlugu angusassamik toraagalimmik iliuusissanut pilersaarudioqqullugit Naalackersuisut sanaqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Iliuusissanut pilersaarut saqqummiuteqquneqarpoq kingusinnerpaamik Inatsisartut 2014-mi upernaakkut ataatsimiinneranni.

(Inatsisartunut ilaasortaq Agathe Fontain, Inuit Ataqatigiit)

Tungavilersuut

Ajoraluartumik nunatsinni innuttaasorpassuit ukiorpassuarni annertuallaamik imigassartornikuupput. Imerpallaarsimanerup kinguneri utoqqalilernerme takkuttarput ilaatigut qaratsakkut akornquteqalertarlutik.

Inuit tamakkua imigassap innarlersimasai angusassanik toraagalimmik ikiortariaqarput pitsaasumik utoqqalinerminni inuuneqaaqqullugit. Aamma qanigisaasut sakkussanik eqqortunik tuniorarneqartariaqarput ikiortariaqarlutillu asaatik ikiorluassaganikkut.

Siullerpaamik kusanassaqaq imigassap innarlersimasai ikiorneqartuuppata imissaarnissaannut. Iisimatusarnerup takutippaa, imigassap innarlersimasai imissaartuuppata, taakku 30-50 procentii ima peqqitsigilersartut allaat ukiup ataatsip ingerlanerinnaani nammineq angerlarsimaffimmini imminnut ikiorsinnaalertarlutik annikittuinnarmik ikiorneqarlutik.

Ilaqartarpulli imerunnaaralarunik iluaquserneqarsinnaanngitsunik aamma taakku sooru-nami eqqortumik ikiorneqartariaqarput. Ullumikkut inuit taakku paaqqinnittarfinnut utoqqaalluunniit illuinnut nuutinneqartarput, tassani utoqqaat allat najugaqatigisarpaat, ajoquteqanngitsut. Tamanna iluartaqarlunilu ajortartaqarpoq. Misilittakkat takutippaat inuit imigassamik innarlerneqarsimasut utoqqaat allat akornanni ineqarsinnaasut inuusinaallutillu taamaallaat tarnimikkut nappaatillit imaluunniit utoqqarmut silakillimasut najugaqatigiissinnaatitaanngillat, taamaattumik pisariaqartarpoq eqqortumik katsorsarneqarnissaat. Tamaattumik pisariaqarpoq uttoqqat illuini sulisut inulerinissaminnut katsorsaanissaminnullu sakkussaminnik ilinniartinneqarnissaat, inunnik imigassamit innarlerneqarsimasunit sullisinnaanngorlugit. Aammali ullumikkut inatsiseqannginnera pissutaalluni, utoqqaat silakillimasut inuillu imigassamit innarlerneqarsimasut kamassorissut utoqqat illuini sulisunit nukersorfigineqarsinnaanngillat aamma inunnik taamaattunik allatigut sullissinermut atatillugu.

Ajornartorsiutaavoq inuit imigassamik innarlerneqarsimasut iluamik ikiorneqanngippata, najugaqartut allat ajoqusersorneqartussaapput toqqissiviilliortinneqarlutillu. Tamannalu arlaanaataluunniit misigisariaqanngilaa. Taamaattumik aamma immikkut ilinniarsimasunik

sulisoqartariaqarpugut aamma sulisoqartariaqarpugut innuttaasunik taakkunanga isumassuilluarsinnaasunik.

Inuit Ataqtigiinni isumaqarpugut utoqqaat tamarmik angerlarsimaffimmi nipaatsumi eqqissisimasumilu pitsaasumik toqqissisimasumillu utoqqaliartorsinnaasariaqartut.

Inuit Ataqtigiinni nuannaarutigalugu maluginiarparput Naalakkersuisut inuit imigassamit innarlerneqarsimasut pillugit ajornartorsiut eqqumaffigilluaraat. Tamanna takuneqarsinnaavoq Utoqqaat pillugit pilersaarummi aamma Utoqqalineq pissutigalugu anersaakkut sanngiillisimasut pillugit pilersaarummi. Siunnersuut tamanna pissutigalugu utoqqarnut imigassamit innarlerneqarsimasunut suliniutit tigussaasunngortinneqartariaqarput, Naalakkersuisut kommunillu annerusumik eqqumaffiginiassammatigit suliniut suut aallartineqassanersut, inuiaqtigiinni inunnik imigassamik innarlerneqarsimasunik isumassuinnermut tunngatillugu ajornartorsiut iluarsiiviginiarlugu. Tassunga atatillugu pingaaruteqarpoq maluginiassallugu, innersuunnanngimmat inuit taakku sumiiffimminnit toqqissisimanasaminnit nuutsinneqannginnissaat.

Inuit Ataqtigiinni neriuppugut amerlanerussuteqarluartut siunnersuut ilalerumaaraat.

Pisortanut aningaasaqarnikkut allaffissornikkullu kingunissai.

Suliniutissat pilersaarusernerat aningaasartuutitaqassaaq. Naatsorsuutigineqanngilarli aningaasartuutit ukiumoortumik AC-mut aningaasartuutaasartut sinnerumaarai. Anin-gaasat Ilaqutariinnermut Naalakkersuisoqarfiup kiisalu Peqqissutsimut Naalak-kersuisoqarfiup massakkut missingersuutaanni nassaarineqassapput, suliaq taakku Naalakkersuisoqarfiit suleqatigiillutik suliarisussaammassuk.

Namminersorlutik inuussutissarsiortunut aningaasaqarnikkut allaffissornikkullu kingunissai.

Namminersorlutik inuussutissarsiortunut aningaasaqarnikkut allaffissornikkullu kinguneqassanngilaq.

Innuttaasunut aningaasaqarnikkut allaffissornikkullu kingunissai.

Innuttaasunut aningaasaqarnikkut allaffissornikkullu kinguneqassanngilaq.